

## I GAMB A – STORT

Sum propi unä fiulèta sfurtünà,  
 g'ho nà scarogna adòss  
 Cä 'm végna voja da ciapà  
 piantà li tütt'coss,  
 vulà via insèma 'l vént  
 o sàrà in d'un cunvént.  
 Parchè? Sum bona da balà,  
 g'ho dü franch in bänca,  
 am rangi a ricamà,  
 g'ho 'n càratàr sincér e dùls,  
 l'è là cä 'm guarda 'l vésti da spüs  
 ma....trövi no 'l murüs.



Sarà pärchè tartaij 'n po'? L'è vera,  
 ogni tänt cambij culür  
 sä 's möva la déntera  
 e se i mé amis i'm ciaman "fàta"  
 l'è pärchè suta la bariöla<sup>1</sup>  
 g'ho la plata;  
 sä gh'entra sé in däl nàs  
 gh'è sü i brüvlòn,  
 sä schiss'i nüs  
 cun i didòn,  
 sä lasi 'l ségn  
 e rompi tütt?  
 Che culpa 'gh no? Un bràs l'è 'd légn  
 e l'altàr 'n po' cürt.  
 Ghè no da rid quand vò pär ca  
 e fò 'n vul dentr'in däl sèbàr<sup>2</sup>,  
 l'è mia pär nudà,  
 al la vèdi no, g'ho un occ 'd védar.  
 Ma a parte quèst  
 sum no propi da sbàtt via,  
 stò bèn insi e dal rèst  
 'm cuntenti da vés sija,  
 però lla disi pr'ì curius:  
 lla sì parchè g'ho no 'l murüs?  
 Àm so guardà  
 bèn – bèn dént'r'in däl spég,  
 am so girà e rigirà  
 e, fiöi, in gir 'gh né di pég,  
 sü 'gh crèdi no gh'ì tort,  
 tlä chì la mè scarogna, i gamb a – stort.

<sup>1</sup> Berretto a cono con o senza fiocco.

<sup>2</sup> Mastello di legno fatto a tondo, usati anche per fare il bucato.